



Kópavogi, 22. febrúar 2021
2003630/030.03 RH

Reglur um innritun í sérdeild Snælandsskóla

Markmiðið með reglum um innritun og útskrift úr sérdeildum í grunnskólum Kópavogsbærjar er að gæta jafnræðis og vanda málsmæðferð.

Sérdeild Snælandsskóla er fyrir nemendur með sérþarfir og mikla stuðningsþörf í 8.-10. bekk þar sem almennt nám og kennsluhættir hæfa ekki þörfum eða hag nemenda (sbr. 42. gr. laga um grunnskóla nr. 91/2008).

1. Inntökuskilyrði:

Í 2. gr. reglugerðar um stuðning við nemendur með sérþarfir í grunnskóla nr. 585/2010 með síðari breytingum, sbr. reglugerð nr. 148/2015, kemur fram að nemendur með sérþarfir teljast þeir sem eiga erfitt með nám sökum sértækra námsörðugleika, tilfinningalegra eða félagslegra erfiðleika og/eða fötlunar, sbr. 2. gr. laga um þjónustu við fatlað fólk með langvarandi stuðningsþarfir nr. 38/2018.

Sérdeildirnar eru fyrir nemendur sem hafa fengið greiningu hjá viðurkenndum greiningaraðilum og þar sem mat á stuðningsþörf (SIS-C) hefur verið framkvæmt eða samþykkt.

2. Umsóknarferli:

Foreldrar geta sótt um skólavist í sérdeild Snælandsskóla fyrir börn sem uppfylla inntökuskilyrði og eru með lögheimili í Kópavogi telji þeir að þörfum barnsins verði ekki mætt í almennu skólaúrræði. Foreldrar skulu heimsækja og kynna sér heimaskóla og starfsemi deildarinnar áður en umsókn er tekin fyrir.

3. Umsóknarfrestur:

Umsóknum vegna komandi skólaárs skal skila til skólastjóra Snælandsskóla fyrir 1. mars ár hvert. Greiningargögn og skýrslur grunnskóla nemenda skulu fylgja með umsókninni.



4. *Fagráð – starfshættir og mat á umsóknum:*

Við sérdeildir starfa fagráð sem skipuð eru skólastjóra, umsjónarmanni sérdeilda og fulltrúa Menntasviðs Kópavogsbæjar. Fagráð hefur faglegt eftirlitshlutverk með starfi deildarinnar og fjallar um allar umsóknir sem berast til sérdeildarinnar. Fagráð sérdeilda fer yfir umsóknir, metur þær og kynnir sér umsækjendur og aðstæður þeirra í viðkomandi grunnskóla. Allar athuganir fagráðs skulu gerðar í samráði við og með samþykki foreldra sem skulu hafa samráð við barn sitt að teknu tilliti til aldurs þess og þroska.

a. Við mat á umsóknum skal tekið mið af:

- i. Fyrirliggjandi greiningu á fötlun nemandans frá viðurkenndum greiningaraðilum.
- ii. Mati á stuðningsþörf (SIS) frá Greiningar- og ráðgjafarstöð ríkisins.
- iii. Mati á náms- og félagslegri stöðu nemandans og líðan.
- iv. Óskum foreldra og nemanda að teknu tilliti til aldurs og þroska.
- v. Mati á heildrænni þjónustuþörf og réttindum í samræmi við lög um grunnskóla nr. 91/2008, reglugerð um stuðning við nemendur með sérþarfir í grunnskóla nr. 585/2010 með síðari breytingum, sbr. reglugerð nr. 148/2015 og laga um þjónustu við fatlað fólk með langvarandi stuðningsþarfir nr. 38/2018.
- vi. Samsetningu nemandahópsins í deildinni með tilliti til félagslegrar þátttöku og líðan umsækjanda.

b. Fagráð gætir ávallt jafnræðissjónarmiða við mat og afgreiðslu umsókna. Ef umsóknir eru fleiri en ráðstöfunarpláss í deildinni, forgangsraðar fagráð þeim eftir því hve hamlandi vandinn hjá umsækjendum er og hve miklar stuðningsþarfir þeir hafa. Fagráð getur óskað eftir ráðgjöf frá utanaðkomandi sérfræðingum. Tillögur fagráðs um innritun vegna komandi skólaárs skulu liggja fyrir 1. apríl ár hvert.

5. *Afgreiðsla umsókna:*

Skólastjóri viðkomandi skóla tekur ákvörðun um samþykki eða synjun umsóknar á grundvelli tillagna fagráðs og tilkynnir foreldrum/forráðamönnum um niðurstöðuna skriflega. Ef umsókn er synjað skal fylgja með rökstuðningur og upplýsingar um að hægt sé að óska eftir frekari rökstuðningi frá fagráði. Foreldrum/forráðamönnum skal einnig gefinn kostur á að tjá sig um synjunina og ef umsókn er synjað eftir rökstuðning foreldra/forráðamanna skulu þau upplýst um kærurétt skv. 47. gr. laga um grunnskóla nr. 91/2008. Sé umsókn synjað vegna plássleysis í sérdeildum skal foreldrum gefinn kostur á að halda umsókn inni til umfjöllunar síðar þegar pláss losnar.



Reglur um útskrift úr sérdeild Snælandsskóla

Útskrift úr sérdeild í almennt skólastarf grunnskóla

1. Telji nemandi, foreldrar eða fagfólk sérdeilda að nemandi fái betur notið náms og kennslu við hæfi í almennu skólastarfi skal stuðningsteymi nemandans meta, í samvinnu við starfsfólk sérdeilda og fagráð deildarinnar, hvort nemandinn skuli útskrifast úr sérdeild í almennt skólastarf með stuðningi. Skólavist í sérdeild er val foreldra svo foreldrar geta ávallt óskað eftir útskrift úr sérdeild.
2. Nýtist nemandanum almenn kennsla í almennum námsúrræði meirihluta skólagöngunnar skal stuðningsteymi nemandans meta, í samvinnu við starfsfólk sérdeilda og fagráð deildarinnar, hvort nemandinn skuli útskrifast úr sérdeild í almennt skólastarf með stuðningi.
3. Fyrir 1. mars ár hvert skal stuðningsteymi nemandans meta, í samvinnu við starfsfólk sérdeilda og fagráð deildarinnar, hvort nemandinn skuli útskrifast úr sérdeild í almennt skólastarf með stuðningi.
4. Taki stuðningsteymi nemandans ákvörðun um að nemandi færst yfir í almennt skólastarf meðan á grunnskólagöngu stendur skal gera áætlun um lok skólavistar í sérdeild og aðlögun í almennt skólastarf. Að mótn og gerð áætlunarinnar koma nemandi, stuðningsteymi hans, starfsfólk sérdeilda, nýr umsjónarkennari og aðrir fagaðilar sem koma að námi og skólagöngu nemandans. Í áætluninni skal taka tillit til heildaraðstæðna nemandans og skulu m.a. koma fram upplýsingar náms- og félagslega stöðu nemandans, einstaklingsnámskrá, virkni og líðan. Í henni skal einnig vera áætlun um aðlögun í almennt skólastarf og eftirfylgd með nemandanum frá viðkomandi sérdeild.
5. Verði ágreiningur um útskrift nemanda úr sérdeild í almennt skólastarf tekur skólastjóri viðkomandi skóla endanlega ákvörðun sbr. 21. gr. reglugerðar um stuðning við nemendur með sérþarfir í grunnskólum nr. 584/2010. Skal ákvörðun tekin með hliðsjón af áliti nemanda, foreldra og fagfólks með heildarhagsmuni barnsins að leiðarlíði. Ávallt skal reyna til þrautar að ná samkomulagi milli foreldra, skóla og fagfólks. Foreldrum nemanda skal gefinn kostur á að koma á framfæri sjónarmiðum sínum og andmælum áður en ákvörðun er tekin um að flytja nemanda yfir í almennt skólastarf. Sé ákvörðun tekin um að flytja nemanda yfir í almennt skólastarf skal skólastjóri tilkynna það í bréfi til foreldra. Ákvörðun skal vera rökstudd og foreldrar upplýstir um kærurétt skv. 47. gr. laga um grunnskóla nr. 91/2008.



Útskrift að loknu grunnskolanámi

1. Hefja skal gerð tilfærsluáætlunar um skólaskil ekki síðar en í 9. bekk.
2. Að mótn og gerð áætlunarinnar koma nemandi, stuðningsteymi hans, starfsfólk sérdeildar, nýr umsjónarkennari og aðrir fagaðilar sem koma að námi og skólagöngu nemandans. Í áætluninni skal taka tillit til heildaraðstæðna nemandans og skulu koma fram upplýsingar um skólagöngu hans, náms- og félagslega stöðu, einstaklingsnámskrá, áform hans um frekara nám og áhugamál. Í áætluninni skal koma fram hvernig vali á framhaldsnámi/skóla er háttáð, kynningum á þeim möguleikum sem fyrir hendi eru og aðlögun í nýjan skóla.

Útskrift vegna flutnings úr sveitarfélagi

1. Flytji nemandi frá Kópavogsbæ skal gera áætlun um lok skólavistar í sérdeild og aðlögun í skólaúrræðið sem tekur við.
2. Að mótn og gerð áætlunar koma nemandi, stuðningsteymi hans, starfsfólk sérdeildar, nýr umsjónarkennari og aðrir fagaðilar sem koma að námi og skólagöngu nemandans. Í áætluninni skal taka tillit til heildaraðstæðna nemandans og skulu m.a. koma fram upplýsingar náms- og félagslega stöðu nemandans, einstaklingsnámskrá, virkni og líðan.

Reglurnar eru settar á grundvelli 20. greinar reglugerðar nr. 585/2010, sbr. einnig reglugerð nr. 148/2015, um stuðning við nemendur með sérþarfir í grunnskóla.

Reglurnar taka gildi við staðfestingu mennta- og menningarmálaráðuneytis.